

籌辦夷務始末

卷四十五之四十六

籌辦夷務始末卷之四十五

道光二十二年壬寅二月丁酉

諭軍機大臣等天津海口緊要已據訥爾經額層層布置惟該逆詭詐多端斷不敢於現有礮臺重兵防守處所蜂擁而進僅遣人改裝易服於遼闊無人之境陸續上岸暗伏各處迨賊至多人然後繞至礮臺後面突出逞兇我兵瞥見後路有賊勢必羣相驚疑不戰自潰是我兵所不及防之處皆該逆所必乘之隙既不能處處添駐重兵尤不可因水淺泥深遽信該逆不能登岸著穆彰阿會同訥爾經額悉心體察妥密籌商務使無隙可乘方為盡善至天津府乃五方雜處之區尤關緊要儻該逆因

海口嚴防分遣漢奸匪黨扮作商民難民僧道乞丐及各色技藝人等形狀潛縱分起。涸跡入城。作為內應。我兵縱能環衛城垣。力禦外寇。而倉卒之際。該逆從中滋擾。或放火延燒。或衝門橫突。又將何以禦之。並著穆彰阿等妥商定議。設法嚴防。斷不可僅就形跡可疑之人查拏了事。全在派出得力各員。弁處處留心。密為偵察。俾地方不致騷擾。而奸徒亦無從託跡。方為周妥。至現在江蘇安徽山東河南各省壯勇有經浙江遣散者。難保不闖入直隸境內。尤恐漢奸假託壯勇名色。潛來窺伺。著訥爾經額分飭所屬於該省交界地方嚴密稽查。毋任此輩匪徒涸入滋事。是為至要。

戊戌

諭軍機大臣等。山東海口備防。疊據托渾布奏報情形。布置當已周密。惟該逆詭詐多端。於礮臺屯駐重兵處所。必不逞兇突犯。或乘風雨黃夜。於遼闊無人之處。改裝登岸。暗行埋伏。迨聚集多人。抄入礮臺後面。突出肆逆。致我兵驚疑失措。甚為可慮。著托渾布悉心體察。再行妥密布置。固不能處處添兵駐守。斷不可以地非險要。稍存大意。又該逆或因海口嚴密。無隙可乘。分遣漢奸匪黨。扮作商民。難民。僧道乞丐。及各色技藝人等。潛蹤分起。溷跡城市。豫為內應。表裏為奸。尤不可不先事豫防。並著托渾布諄飭派出員弁。隨時隨地。留心偵察。不獨形跡可疑之

人立即拏究。遂信為查拏淨盡。務使匪徒無從託足。而地方仍不至騷擾。是為至要。至浙省調去山東及各該省壯勇。現經遣回。尤難保無助逆漢奸。乘機混入。並闖入直隸境界。昨有旨諭令該撫彈壓安置。並著飭屬嚴密盤詰。其該省回籍壯勇。固當妥為約束。即外來路過各項人等。亦須設法稽查。勿令奸匪潛跡。假道山東沿海地方。竄入天津一帶。致滋事端。

己亥。揚威將軍奕經。參贊大臣特依順奏。竊。奕經於二月初八日。將慈谿山接仗情形。並曹江以東漢奸充斥。以致官兵失利各緣由。恭摺奏報在案。竊。文蔚當即移駐紹興。以便控制曹江。就近收斂兵勇。休養士卒。奕經即於

次日前赴海甯尖山。查看該處形勢。其地距省僅止一百餘里。濱臨大海。水面約寬七八十里。一望無際。現在水勢漸淺。間有沙痕淤起。詢據土人聲言。秋冬之間。水涸沙淤。船隻易於擱淺。不便往來。若三月以後。桃汛泛漲。沙被水冲。即屬無險可恃。茅奕經詳細籌思。尖山一帶水面太寬。礮力難及。即使添兵防守。仍屬無益。惟七堡地方。稍為險要。現有總兵博勒恭武。分飭湖北兵。在彼按段防守。尚為周妥。惟地勢亦屬散漫。現在又無別處兵丁。可以增添協守。祇得添設礮位。藉資捍禦。並查省城為根本重地。銀杏埠渡口。緊接城垣。兵力尤不宜單。當將茅奕經所帶河南

兵一千名內酌撥一半。在該處屯紮。與萬松嶺為犄角之勢。其前次派守銀杏埠之壽春鎮兵二百名。即札令前赴海甯州。交副將岱昌調撥。擇要防守。旋於途次接到文蔚來函。並附有夷書一件。查詢持夷書之人。係屬四川兵丁。因正月二十九日。在甯郡攻城接仗。火輒打破頭頂。暈倒被擒。關住數日。忽一日。夷目郭士立。將伊放出。給予洋錢三元。作為盤費。囑其持書送至大營。努奕經當即回杭。與特依順。劉韻珂。公同商酌。現在兩次接仗之後。逆夷動靜若何。未能探聽確實。既係我兵持來夷書。即不拆閱。彼此無從知覺。當即公同拆閱。乃書中止欲將兩次失陷官兵。

與厯次擒到夷人彼此互換並無別項違悖字樣但該逆來書中兩次接仗情形並不提及實屬狡詐不知是何居心殊難測料等與劉韻珂再四籌商祇可暗中設法暫時虛為籠絡庶該逆不致遽行鴟張而果否能延緩時日尚未可知至所獲白黑夷人共計白夷四名黑夷五名是否准與釋放即令其將我官兵送回之處相應請

旨飭下遵辦等仍一面籌思善策務期盡掃夷氛用以稍贖罪戾惟浙省地勢河汊紛歧田塍逼仄既不能排列隊伍水路小船行走散緩更難禦火輪夷船調到川陝各勁兵雖人人奮勇又因路途狹隘不能施展如意其勢不得不因

本省紳士雇募鄉勇作為居停以及嚮道藏伏兵勇之用
詎料該處人情險惡半係漢奸現在拏到數人連日訊據
供出該犯等多由本省紳士雇充鄉勇又受夷人暗雇充
當紅毛鄉勇希圖兩面牟利互相串通惟欲兵事不結兩
邊口糧均可時常支領尤可恨者其中儘有本地良善紳
民志切同仇曾經容留接濟兵勇之人俱為漢奸指引將
其房屋什物盡行焚燒擄掠嗣後大兵進剿惟恐人心畏
怯不敢再作居停至此等漢奸其詭計業經識破日後更
難收拾且查上年奉

旨陸續調到征兵江甯旗兵八百名安徽官兵一千名均由巡撫

調派各路防守。江西兵二千名。內一十駐守餘姚。去冬逆
夷滋擾該縣。曾經潰散。其餘一千名亦屬輟弱。是以茅等
前次奏明。止令守護糧臺。湖北兵二千名。內一千名及陝
西擡礮兵二千名。由茅特依順統帶。駐紮省城萬松嶺地
方。其一千名交宜昌鎮總兵博勒恭武帶領。駐守海甯松
江一帶地方。陝甘兵二千名。內八百名及陝西擡礮兵二
百名。交漢中鎮總兵德坤帶領。駐守乍浦。統計進征官兵
除埋伏內應。均係本省官紳雇募鄉勇。其河南兵一千名
四川撥出兵四百名。山西擡礮兵六百名。留為後路接應。
實止四川兵一千五百餘名。陝甘兵一千二百名。並餘丁

七百餘名。交總兵段永福副將朱貴分作兩路進剿。至各路募到義勇除駐守乍浦外。其餘進攻定海。是否得手。尚無確音。等。等已札飭該將身及委員等。如一時不能得力。即可潛伏不動。免致洩漏。其前次進攻甯鎮兩城及截守梅墟等處義勇亦止三千餘名。內傷亡及疲乏畏怯者亦須查點挑選。查上年徵調官兵及雇募義勇為數將近數用。兩次接仗之後。雖殺傷逆夷多人。而我兵亦頗有傷亡。其未經受傷兵勇隨時鼓勵。俱尚振作。願赴前敵。此時若將分守各路勁兵調集一處。以之攻剿逆夷。儘堪得力。無如該省濱海要路處處須防。刻下派撥分守禦敵兵。已

形單弱逆夷如分路竄擾究竟能否堵禦尚難定準自未便合為一路征剿復查前次李等具奏招募糧船水手摺內曾聲明如有應行調兵之處再行奏明請

旨現在兵力實屬不敷調遣合無仰懇

聖恩俯賜徵調陝甘省勁兵二千名廣西省勁兵二千名貴州省勁兵二千名四川大小金川屯兵一千名迅速來浙以備

攻剿之用並請

旨飭下各督撫揀派曾經出師之將備官弁管帶並選派熟悉擡礮鳥槍技藝兵丁務按營將整隊調來免致畸零庶衆心易齊隊伍亦可整肅仍令於常例之外准其多帶餘丁仍

照常例支發口糧。到浙後。即令其充當夫役。免其由本省雇募。言語不通。良莠溷雜。拏現仍差確實安人。查看曹江以東各路情形。剴切設法曉諭。庶冀人心悔罪向化。惟各路大兵調到。尚需時日。現在各海口要隘。雖節節派兵防守。逆夷是否不來攻撲。究難豫定。拏惟有竭盡心力。隨時隨地。督飭將士。加意防禦。將來大兵雲集。拏自當公同商酌。慎密籌畫。另圖進剿之策。務令逆夷成擒。海宇肅清。以慰

聖懷而伸

天討。拏奕經於拜摺後。即前赴紹興。與文蔚面商防堵一切事宜。

硃批事已如此。添調何難。前番布置。似乎確有把握。一經動作。受虧退步。又欲俟數千里之外。續調之兵到齊。再圖進剿。無論曠日持久。必能保其成功乎。

奕經特依順。又奏。再浙江提督余步雲等前於進兵之時。奏明札飭該提督帶領提鎮標營弁兵駐守奉化縣地方。查上虞毗連餘姚。為上江屏蔽。該提督於彼處情形。尚為熟悉。現復札令該提督除留兵防守奉化外。仍帶領本標官兵赴上虞屯紮。以資防守。俟將來進兵時。再行擇地安插。

諭軍機大臣等。著鄂順安於河南省挑選精兵一千名。周之琦於

廣西省挑選精兵一千名。候旨調撥。應帶軍器。著一體揀擇精良。妥為豫備。

又

諭奕經等奏。請調官兵進剿一摺。據奏尖山一帶。水面太寬。礮力難及。惟七堡地方。稍為險要。已有博勒恭武。帶兵防守。其銀杏埠渡口。緊接省垣。已將河南兵酌撥屯紮。與萬松嶺為犄角之勢。又派壽春鎮兵。前赴海甯防守。現在兵力。尚有不敷。請旨徵調等語。前已有旨。飭令陝甘官兵二千名。迅即赴浙會剿。其各省勁兵。亦已豫備候調矣。此後再圖進剿。立功贖罪。究竟該將軍等。有無把握。至逆夷呈遞書函。擬請暫示羈縻。該將軍等作

何羈縻之處。所奏殊未明晰。其單開所獲黑白夷人。究係在彼充當何項名色。單內所稱老將頭目兵丁水手。恐非確實。尤當詳加究詰。不可稍為含混。此時著暫留省城。妥為安置。不准遽行釋放。更不准遽加殺害。應如何設法。令該逆聞知。俾內地被擄官兵。亦不致受其戕害。總在該將軍等悉心籌畫。相機辦理。其前此雇覓壯勇。現議遣散。惟此輩多係無業游民。豈能安分歸里。著奕經等擇其精壯可用者。留營調撥。其餘亦應妥為彈壓。分起遣歸。以免沿途滋擾。現在留營將士。及各路防守官兵。雖不敷進剿之用。亦何至無守禦之方。仍責成該將軍等妥為布置。激勵眾心。勉圖後效。儻再有疏虞。惟該將軍參贊是問。懍

之其段永福朱貴各路帶兵官弁曾否全數回營兵丁傷亡若干遣往定海官弁兵勇等究竟作何下落摺內未據詳敘著一併查明具奏又另片奏令提督余步雲屯紮上虞以資防守亦著照議辦理

庚子

諭軍機大臣等前因糧船水手人數眾多恐有漢奸潛入降旨令牛鑑悉心籌畫旋據奏稱漢奸皆係閩廣浙江匪類漕船水手皆籍隸江蘇山東直隸並無閩廣浙江匪徒容俟會同漕臣撫臣籌議具奏等語現尚未據該督撫等會議奏到因念浙省辦理軍務不能得手皆由漢奸充斥助逆肆兇是此項匪徒為害